

սաղէմ, 'ի Յոպպէ եւ 'ի Դամասկոս, եւ տակաւին պէտս ունիմք բազում տեղեաց շինութեան եւ նորոգութեան : Այլ նոքա ետուն պատասխանի՝ ոչ բարւոք թուի մեզ այնքան դրամոց մնալ անգործ յերուսաղէմ, հայեցեալ 'ի փոփոխմունս եւ 'ի պատահմունս աշխարհի, գուցէ մատնեսցի 'ի ձեռս անխոհեմաց ոմանց, որպէս երբեմն վասն փակման Բեթղեհէմի դրան վատնեցիք աւելի քան 200 քսակս դրամոց՝ զոր վերստին բացին : Ուստի մշտնջենաւոր մնալոյ այնց դրամոց կամիմք առնել տնօրէնութիւն ինչ եւ շահեցուցանել : Եւ զինի այս խորհրդոյ գրեցին զիր առ Պօղոս Եպիսկոպոս յերուսաղէմ, և զի մի անկցի այս խորհուրդ 'ի բերանս այլոց՝ վաշն զիր ետուն գրել Կիրակոս Եպիսկոպոսի, որ ունէր օրինակ զայս :

« Ի բազմապատիկ փորձոյ ակն յայտնի տեսաւ և տեսանի՝ զի խոհական տնտեսութիւն կառավարչաց ծնող է օգտի հասարակութեան և ազրիւր յորդառատ բարեաց, որով ոչ միայն զաւուրս իւրեանց կառավարութեան բարեբանիկս հանդերձեն, այլ և հոգաբարձու գտեալ ապագայից, անմահ յիշատակ կանգնեն յաշխարհի, և յետնոցն իսկ լինին առիթ և սատար բարօրութեան : Այսպիսի խոհական տնտեսութեամբ գերազանց հանդիսացաւ սրբութիւն ձեր, զի սքանչելի իմն առաքինացեալ 'ի բազմափորձ կառավարութեան և հասուն կատարելութեամբ ծերացեալ 'ի նմին՝ քաջ գիտացեր զխանդարեալ կարգս Ս. Աթոռոյն բարեկարգել՝ զբազմադէզ պարտան հատուցանել՝ չափաւորել զծախսն, և պաշտպանել զարդիւնս : Արդարեւ տնտեսութիւն սքանչելի՝ ոչ յառատութեան զեղխս վարեցար՝ զի մի և 'ի ճշդութեան նկուն կացեալ մնացէ Ս. Տունդ :

Որպէս ահա՛ դիտեալ մեր յառանձնութեան երեքին ստորագրեալքս զվեց ամեսյ Ս. Աթոռոյդ արդեանց և ծախուց հաշիւն, զոր ընդ Կիրակոս Եպիսկոպոսի առաքեալ էիք, գովեցաք յոյժ զքոյոյ գովելի աշխատասիրութեան արդիւնս, արդարեւ զանազանութիւն մեծ եւ բազում 'ի մէջ առաջնոցն և վերջնոցս : Ուստի և պարտաւորիմք երախտագէտ մտօք շնորհակալու լինել զխոհեմազարդ տնտեսութենէդ, և մաղթել յամենաբարի Արարչէն զանդին կենացդ երկարութիւն և զհատուցումն բազմապատիկ 'ի հան-